



Broj: 08-07-1-131/07  
Sarajevo, 29.01.2015. godine

Ministarstvo pravde Bosne i Hercegovine, rješavajući Zahtjev Samostalnog sindikata državnih službenika i zaposlenika u Upravi za indirektno oporezivanje Bosne i Hercegovine, sa sjedištem u Banja Luci, ulica Bana Lazarevića bb, u predmetu upis promjena u Registru udruženja, na osnovu člana 43. stav 2. Zakona o udruženjima i fondacijama Bosne i Hercegovine («Službeni glasnik BiH», br. 32/01, 42/03, 63/08 i 76/11) i člana 4. stav (1) Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija («Službeni glasnik BiH», br. 44/10 i 14/12), donosi

### RJEŠENJE

1. U Registru udruženja Ministarstva pravde Bosne i Hercegovine, kod Samostalnog sindikata državnih službenika i zaposlenika u Upravi za indirektno oporezivanje Bosne i Hercegovine, sa sjedištem u Banja Luci, ulica Bana Lazarevića bb, upisanog pod registarskim brojem: 658, Knjiga I Registra, dana 30.01.2008. godine, upisuju se promjene, kako slijedi:

1.1. Usvajanje Statuta Sindikata Broj: 10/1-99/14 od 21.12.2014. godine.

1.2. Upisuje se skraćeni naziv Sindikata, koji glasi:

**SSUIO, SSUNO, CCYHO**

- 1.3. Izmjene i dopune ciljeva i djelatnosti Sindikata, tako da isti glase: ostvarivanje prava na rad i zaštitu prava iz rada po osnovu rada zaposlenih u Upravi za indirektno/neizravno oporezivanje BiH; rad na iniciranju dogradnje, donošenja i primjene zakonske i podzakonske regulative kojom se obezbjeđuje ekonomska i socijalna zaštita i sigurnost članova Sindikata i njihova radnopravna zaštita; zalaganje za realnu cijenu rada kojom zaposlenik može obezbjeđiti zadovoljavanje osnovnih ekonomskih, socijalnih, kulturnih, obrazovnih i drugih potreba; zalaganje za obezbjeđenje odgovarajućih uslova za rad, humanizaciju rada i uvođenje savremenih sredstava za rad i tehnologiju; rad na iznalaženju mogućnosti za rješavanje egzistencijalnih problema članova i obezbjeđenje materijalne i socijalne sigurnosti članova putem raznih vidova pomoći i saradnje sa domaćim i inostranim donatorima u vezi sa obezbjeđenjem te pomoći; učešće u pregovorima i zaključivanju kolektivnih ugovora za zaposlene državne službenike i uposlene u Upravi za indirektno/neizravno oporezivanje BiH; dosljedno ostvarivanje radne, ekonomske i socijalne sigurnosti svojim članovima u svim oblicima svojine; omasovljenje članova; poboljšanje radnih uslova i zaštite na radu i zdravlja zaposlenika; pružanje besplatne pravne pomoći i edukacija članova Sindikata; dostojanstvo rada i njegovih vrijednosti; razvijanje sindikalne solidarnosti i uzajamnosti; stvaranje uslova za brže zapošljavanje i smanjivanje nezaposlenosti; jačanje sindikalnog pokreta i saradnja sa međunarodnim sindikatima; saradnja sa međunarodnim organima i organizacijama, sindikatima, udruženjima u Bosni i Hercegovini i inostranstvu; zalaganje za dosljedno sprovođenje konvencija i međunarodnih ugovora, deklaracija, povelja kojima se štite ljudska prava, sloboda i principi građana u Bosni i Hercegovini; zalaganje za ostvarivanje zajedničkih interesa članstva i aktivnosti u vođenju pregovora, poboljšavanju životnih i radnih uslova kroz zaključivanje kolektivnog ugovora, utvrđivanje, razvoj i ostvarivanje zdravstvene zaštite i socijalne politike, tržišne ekonomije.

2. Produžava se mandat za zastupanje Sindikata u pravnom prometu: Osmić Mehmedaliji, predsjedniku Sindikata.
3. Razrješenje i imenovanje članova Upravnog odbora Sindikata.
4. Razrješenje i imenovanje članova Nadzornog odbora Sindikata.
5. Imenovanje predsjednika Skupštine Sindikata.
6. Ostali upisi u Registru udruženja, izvršeni na osnovu Rješenja Broj: 08-07-1-131/07 od 30.01.2008. godine, ostaju neizmijenjeni.
7. Ovo Rješenje će se objaviti u „Službenom glasniku BiH“, o trošku podnosioca Zahtjeva.

### O b r a z l o ž e n j e

Samostalni sindikat državnih službenika i zaposlenika u Upravi za indirektno oporezivanje Bosne i Hercegovine, sa sjedištem u Banja Luci, ulica Bana Lazarevića bb, upisan je u Registar udruženja kod Ministarstva pravde Bosne i Hercegovine, pod registarskim brojem: 658, Knjiga I Registra, dana 30.01.2008. godine.

Sindikat je dana 24.12.2014. godine podnio Zahtjev za upis promjena u Registru udruženja ovog Ministarstva.

U toku postupka, Ministarstvo je utvrdilo da zahtjev nije potpun, te da sadrži nedostatke i nepravilnosti zbog kojih nije moguće izvršiti upis promjena u Registru. Ministarstvo je podneskom Broj: 08-07-1-131/07 od 08.01.2015. godine, zatražilo ispravku i dopunu zahtjeva.

Nakon otklanjanja nedostataka Sindikat je uz Zahtjev za upis promjena u Registru udruženja dostavio sljedeću dokumentaciju: Zapisnik sa redovne Skupštine Samostalnog sindikata državnih službenika i zaposlenika u Upravi za indirektno oporezivanje Bosne i Hercegovine, broj: 10/1-98/14 od 21.12.2014. godine; Odluku o usvajanju novog Statuta Samostalnog sindikata državnih službenika i zaposlenika u Upravi za indirektno oporezivanje Bosne i Hercegovine, broj: 10/1-99/14 od 21.12.2014. godine; Statut Samostalnog sindikata državnih službenika i zaposlenika u Upravi za indirektno oporezivanje Bosne i Hercegovine, broj: 10/1-99/14 od 21.12.2014. godine u dva primjerka; Odluku o razrješenju i imenovanju organa Samostalnog sindikata državnih službenika i zaposlenika u Upravi za indirektno oporezivanje Bosne i Hercegovine, broj: 02-98/2014 od 21.12.2014. godine; ovjerene fotokopije ličnih karata članova Upravnog odbora Sindikata i lica ovlaštenog za zastupanje Sindikata; ovjeren potpis lica ovlaštenog za zastupanje Sindikata i dokaz o uplati administrativne takse.

Uvidom u priloženu dokumentaciju utvrđeno je da su ispunjeni uslovi predviđeni Zakonom o udruženjima i fondacijama Bosne i Hercegovine i Pravilnikom o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija za upis promjena u Registru udruženja kod Samostalnog sindikata državnih službenika i zaposlenika u Upravi za indirektno oporezivanje Bosne i Hercegovine, te je riješeno kao u dispozitivu.

Na ovo Rješenje naplaćena je administrativna taksa u iznosu od 200,00 KM za upis promjena u Registru udruženja, u skladu sa članom 33. stav (2) tačka b) navedenog Pravilnika.

#### **Pouka o pravnom lijeku:**

Protiv ovog rješenja nije dopuštena žalba, ali se može pokrenuti upravni spor tužbom pred Sudom Bosne i Hercegovine. Rok za podnošenje tužbe je 60 dana od dana prijema ovog rješenja.

#### **Dostavljeno:**

- Samostalni sindikat državnih službenika i zaposlenika u Upravi za indirektno oporezivanje Bosne i Hercegovine, Ulica Bana Lazarevića bb, 78 000 Banja Luka, i ovjeren primjerak Statuta, broj: 10/1-99/14 od 21.12.2014. godine;
- Zbirka isprava;
- JP NIO "Službeni list BiH".

